

REGLUGERÐ EVRÓPUÞINGSINS OG RÁÐSINS (EB) nr. 1159/2005

2008/EES/45/38

frá 6. júlí 2005

um breytingu á reglugerð ráðsins (EB) nr. 2236/95 um almennar reglur um fjárhagsaðstoð Bandalagsins á sviði samevrópskra neta (*)

EVRÓPUÞINGIÐ OG RÁÐ EVRÓPUSAMBANDSINS HAFA,

með hliðsjón af stofnsáttmála Evrópubandalagsins, einkum fyrstu málsgrein 156. gr.,

með hliðsjón af tillögu framkvæmdastjórnarinnar,

með hliðsjón af álitum efnahags- og félagsmálanefndar Evrópubandalaganna ⁽¹⁾,

að höfðu samráði við svæðanefndina,

í samræmi við málsmeðferðina sem mælt er fyrir um í 251. gr. sáttmálans ⁽²⁾,

og að teknu tilliti til eftirfarandi:

1) Í reglugerð (EB) nr. 2236/95 ⁽³⁾ er m.a. kveðið á um sameiginlega fjármögnun rannsókna, sem tengjast verkefnum sem þjóna sameiginlegum hagsmunum, að fjárhæð sem má að öllu jöfnu ekki fara yfir 50% af heildarkostnaðinum meðan hámarksframlag til verkefna á sviði fjarskipta má ekki fara yfir 10% af heildarfjárfestingarkostnaðinum.

2) Í ákvörðun Evrópuþingsins og ráðsins nr. 1336/97/EB frá 17. júní 1997 um viðmiðunarreglur fyrir samevrópsk fjarskiptanet ⁽⁴⁾ eru þau verkefni, sem þjóna sameiginlegum hagsmunum, skilgreind. Reynslan af framkvæmd þeirrar ákvörðunar hefur leitt í ljós að innan við eitt verkefni af hverjum tuttugu varðar útbreiðslu þjónustu, öll önnur eru rannsóknir tengdar útbreiðslu. Bein áhrif af aðstoð við samevrópsk fjarskiptanet eru því takmörkuð.

3) Kostnaður við útbreiðslu samevrópskrar þjónustu, sem byggist á rafrænum gagnasamskiptanetum, er umtalsvert hærri en kostnaður við sambærilega þjónustu í einstöku aðildarríki vegna hindrana sem leiðir af tungumáli, menningu, löggjöf og stjórnsýslu.

4) Komið hefur í ljós að kostnaður við undirbúningsrannsóknir vegna þjónustu í fjarskiptageiranum er hátt hlutfall þeirrar heildarfjárfestingar, sem er nauðsynleg til að breiða út þjónustuna, sem leiðir til þess að hámarksframlag, sem heimilað er samkvæmt reglugerð (EB) nr. 2236/95, er veitt til slíkra rannsókna og kemur það í veg fyrir að aðstoð sé veitt til útbreiðslu þjónustunnar. Af þeim sökum hefur veiting aðstoðar samkvæmt þeirri reglugerð ekki haft nema óveruleg bein áhrif í þá átt að örva útbreiðslu þjónustunnar.

5) Einkum skal veita Bandalagsaðstoð til verkefna sem miða að því að örva útbreiðslu á þjónustu og nýta þannig framlagið sem best til að þróa upplýsingasamfélagið. Því er nauðsynlegt að hækka hámarksframlag í hlutfalli við raunverulegan kostnað sem hlýst af því að þjónustan er samevrópsks eðlis. Hækkun á framlagi Bandalagsins skal hins vegar einungis varða þjónustu í þágu almennings sem verður að yfirstíga hindranir vegna tungumáls, menningar, löggjafar og stjórnsýslu.

(*) Þessi EB-gerð birtist í Stjtuð. ESB L 191, 22.7.2005, bls. 16. Hennar var getið í ákvörðun sameiginlegu EES-nefndarinnar nr. 38/2006 frá 10. mars 2006 um breytingu á bókun 31 við EES-samninginn, um samvinnu á sérstökum sviðum utan marka fjórþætta frelsisins, sjá *EES-viðbæti við Stjórnartíðindi Evrópusambandsins* nr. 28, 1.6.2006, bls. 24.

⁽¹⁾ Stjtuð. ESB C 234, 30.9.2003, bls. 23.

⁽²⁾ Álit Evrópuþingsins frá 18. nóvember 2003 (Stjtuð. ESB C 87 E, 7.4.2004, bls. 22), ákvörðun ráðsins frá 6. júní 2005.

⁽³⁾ Stjtuð. EB L 228, 23.9.1995, bls. 1. Reglugerðinni var síðast breytt með reglugerð Evrópuþingsins og ráðsins (EB) nr. 807/2004 (Stjtuð. ESB L 143, 30.4.2004, bls. 46).

⁽⁴⁾ Stjtuð. EB L 183, 11.7.1997, bls. 12. Ákvörðuninni var breytt með ákvörðun nr. 1376/2002/EB (Stjtuð. EB L 200, 30.7.2002, bls. 1).

SAMÞYKKT REGLUGERÐ ÞESSA:

1. gr.

um viðmiðunarreglur fyrir samevrópsk fjarskiptanet (*), getur heildarfjárhæð Bandalagsaðstoðar samkvæmt þessari reglugerð numið allt að 30% af heildarfjárfestingarkostnaðinum.

Eftirfarandi undirgrein bætist við 3. mgr. 5. gr. reglugerðar (EB) nr. 2236/95:

„Þegar um er að ræða verkefni sem þjóna sameiginlegum hagsmunum, sem eru tilgreind í I. viðauka við ákvörðun Evrópuþingsins og ráðsins nr. 1336/97/EB frá 17. júní 1997

(*) Stjtið. EB L 183, 11.7.1997, bls. 12. Ákvörðuninni var breytt með ákvörðun nr. 1376/2002/EB (Stjtið. EB L 200, 30.7.2002, bls. 1).“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Strassborg 6. júlí 2005.

Fyrir hönd Evrópuþingsins,

J. BORRELL FONTELLES

forseti.

Fyrir hönd ráðsins,

J. STRAW

forseti.